

Na osnovu člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), člana 29. stav (2) Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", br. 13/05, 53/07, 97/07 i 37/09) i člana 6. stav (2) Odluke o kriterijima za utvrđivanje novčane naknade za rad u upravnim odborima, nadzornim i drugim odborima i drugim radnim tijelima iz nadležnosti institucija Bosne i Hercegovine ("Službeni glasnik BiH", broj 19/09), Vijeće ministara Bosne i Hercegovine, na prijedlog ministra pravde, na 123. sjednici održanoj 3. juna 2010. godine, donijelo je

ODLUKU

O VISINI TROŠKOVA POLAGANJA STRUČNOG ISPITA ZAVODSKIH SLUŽBENIKA U ZAVODIMA ZA IZVRŠENJE KRIVIČNIH SANKCIJA, PRITVORA I DRUGIH MJERA BOSNE I HERCEGOVINE I ODREĐIVANJU NAKNADE ZA RAD ČLANOVIMA KOMISIJE ZA POLAGANJE STRUČNOG ISPITA ZAVODSKIH SLUŽBENIKA

Član 1. (Predmet)

Ovom Odlukom se utvrđuju troškovi polaganja stručnog ispita zavodskih službenika u zavodima za izvršenje krivičnih sankcija, pritvora i drugih mjera Bosne i Hercegovine i određuje naknada za rad članovima Komisije za polaganja stručnog ispita zavodskih službenika u zavodima za izvršenje krivičnih sankcija, pritvora i drugih mjera Bosne i Hercegovine (u daljnjem tekstu: Komisija).

Član 2. (Naknada troškova polaganja stručnog ispita)

- (1) Za troškove polaganja stručnog ispita zavodskih službenika u zavodima za izvršenje krivičnih sankcija, pritvora i drugih mjera Bosne i Hercegovine (u daljnjem tekstu: stručni ispit) određuje se naknada u visini od 300,00 KM.
- (2) Za troškove polaganja popravnog ispita kandidata određuje se naknada u iznosu od 75,00 KM.
- (3) Troškove polaganja stručnog i popravnog ispita snose kandidati samostalno i dokaz o izvršenoj uplati dužni su dostaviti prilikom podnošenja zahtjeva za polaganje naprijed navedenog ispita.

Član 3. (Naknada za rad članovima Komisije)

- (1) Naknada za rad u Komisiji čije je osnivanje utvrđeno zakonom, određuje se po kandidatu, u iznosu:
 - a) 40,00 KM - predsjednik ili zamjenik predsjednika Komisije,
 - b) 30,00 KM - član ili zamjenik člana Komisije,
 - c) 20,00 KM - sekretar Komisije,

d) 10,00 KM - zapisničar Komisije.

(2) Naknada na popravnom ispitu je 25% iznosa iz stava (1) ovoga člana.

Član 4.
(Način plaćanja naknade)

(1) Naknada za troškove polaganja stručnog ispita uplaćuje se u Budžet institucija Bosne i Hercegovine i međunarodnih obaveza Bosne i Hercegovine kao posebna stavka.

(2) O isplati naknade za rad Komisije donosi se poseban zaključak.

Član 5.
(Realizacija Odluke)

Za realizaciju ove Odluke zadužuju se sekretar Komisije i Sektor za kadrovske, opće i finansijsko-materijalne poslove Ministarstva pravde Bosne i Hercegovine.

Član 6.
(Stavljanje van snage prethodnog rješenja)

Stupanjem na snagu ove Odluke prestaje važiti Rješenje ministra pravde broj 01-02-2-5233/07 od 30.03.2007. godine.

Član 7.
(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH".

VM broj 165/10
3. juna 2010. godine
Sarajevo

Predsjedavajući
Vijeća ministara BiH
Dr. **Nikola Špirić**, s. r.